

12 zener le galie di Alexandria non erano partide per il garbujo.

A dì 24, fo il luni di Pasqua. Fo pregadi. Fo molte letere.

Di Hongaria, dil secretario. Come lurchi 60, erano a Bel Grado in cepi, presoni, ussiteno e feno movesta e scampono, pocho manchò non prendeseno il castello.

Di Damasco, di sier Bortolo Contarini, consolo, di 3 fevrer. Esser nova, al Chayro il soldan aver fato retenir il diodar; è opinion non regnerà, perchè el se fa mal voler.

Da Cypro, di sier Piero Balbi, luogo tenente. Zercha formenti.

Di Roma. Come il papa, inteso la creation di oratori, in loco di 4 manchava, desidera i vengino. È da saper, tuta via i castelli vien consignà al papa; et domino Constantino Arniti è governador di Romagna.

Da Yspurch, di sier Vincenzo Querini, dotor, va orator al re di Castiglia, o ver archiducha di Bergogna. Come, zonto lì, visitò la serenissima raina di romani etc.

10 *A dì 25.* La matina el principe fo, con li piati, a Ogni Santi, dove se principia una chiesa, et monasterio novo; et era il patriarcha. Fo ditto una messa e butà la prima piera, con gran cerimonie; et ivi era jubileo dato per il papa. Da poi nulla fu.

A dì 26. Fo, in consejo di X, preso, sier Zuan Moro sia ben retenuto.

A dì 27. Fo consejo di pregadi. Fato savij dil consejo: sier Marco Sanudo, fo savio dil consejo, sier Alvise Venier, fo savio dil conseio, et sier Polo Pixani, el cavalier, savio dil consejo, di zonta; savij di terra ferma: sier Hironimo Capello, sier Hironimo Querini, sier Zacharia Contarini, el cavalier, stati altre volte, et sier Antonio Zustignan, dotor, orator a Roma.

61* Fu posto, per li savij, che li oratori, va a Roma, possino spender a raxon di ducati $\frac{1}{2}$ per bocha al zorno. *Item*, si dagi ducati X, di più di ducati 30 per uno, *videlicet* ducati 40, per cosse extraordinarie.

Item, fu per avanti preso, im pregadi, che il caso di sier Marco Busnadego si meni in le do quarantie; et cussi ozi parlò sier Bernardo Bembo, dotor, cavalier, avogador; rispose domino Rigo Antonio.

A dì 28. Da matina. Nel caso sopradito parlò sier Marco Antonio Loredam, avogador; rispose *iterum* domino Rigo Antonio et fu *tandem*; preso di

procieder. Andò 5 parte; et fu preso che l'

Da poi disnar fo consejo di X, e fato i sei capi dirò di sotto.

A dì 29. Da poi disnar Jo fici el mio parentado, e ditti la man *publice* a mia mojer, Cecilia di Prioli. El fo pregadi. Fato V savij ai ordeni: sier Francesco da cha' da Pexaro, *quondam* sier Marco, fo savio ai ordeni, sier Lorenzo Barbarigo, *quondam* sier Antonio, sier, sier Zacharia Valaresso, *quondam* sier Zuane, et sier Francesco Gritti, di sier Andrea.

Item, fono electi, a dì 27, VI sopracomiti: sier Vincenzo da Riva, di sier Bernardin, sier Zuan di Prioli, *quondam* sier Matio, sier Francesco Contarini, di sier Alvixe, sier Tomaxo Venier, el 40, *quondam* sier Domenego, sier Zuan Moro, *quondam* sier Antonio, sier Hironimo Lando, *quondam* sier Piero.

Ancora fo electo, orator a Roma, sier Domenego Pixani, el cavalier; et questo è il scurtinio:

Electo orator al summo pontifice.

Sier Pollo Capello, el cavalier, fo savio a terra ferma,	86.100
Sier Marin Sanudo, <i>quondam</i> sier Lunardo,	39 . . .
Sier Sebastian Zustignan, el cavalier, fo ambassador in Hongaria, . . .	90 . . .
† Sier Domenego Pixani, el cavalier, è di pregadi, <i>quondam</i> sier Zuan, . . .	113 . . .
Sier Zorzi Emo, el savio da terra ferma, <i>quondam</i> sier Zuan, cavalier,	101 . . .
Sier Andrea Mozenigo, el dotor, di sier Lunardo, <i>quondam</i> serenissimo,	33 . . .
Sier Piero Contarini, è ai 3 savij, <i>quondam</i> sier Zuan Ruzier, . . .	52 . . .
Sier Alvixe Zorzi, fo podestà a Vicenza, <i>quondam</i> sier Polo,	76 . . .
Sier Nicolò Michiel, el dotor, fo ai X officij, <i>quondam</i> sier Francesco, . .	44 . . .
Sier Antonio Condolmer, fo synico e provedador in Cypro, <i>quondam</i> sier Bernardo,	58 . . .
Sier Cabriel Moro, fo ambassador a Ferara, di sier Antonio,	59 . . .
Sier Piero Pasqualigo, dotor e cavalier, fo ambassador in Spagna, . .	78 . . .